


佛說四諦經  
佛說恆水經  
佛說本相倚致經

二百八十二  
止

49575



三經同卷

止

佛說四諦經

佛說恒水經

佛說本相倚致經

佛說四諦經

後漢沙門安世高譯



聞如是一時佛在舍衛國祇樹給孤獨園是  
時佛告諸比丘比丘應唯然比丘便從佛聞  
佛便說是比丘真正法說為是四諦具思惟  
見開了分別發見若所有比丘過世時如來  
無所著正覺是亦從是正說為是四諦具思  
惟見開了分別發見從是四諦若所有比丘



從後世來者如來無所著正覺是爲從是正  
法真爲賢者四諦具如上說今有比丘見在  
如來無所著正覺是亦從是正諦說如是四  
諦具思惟見開了分別發見佛復告比丘舍  
利曰比丘慧疾慧走慧利慧方慧深徹慧惡  
慧不厭能見慧珍寶慧隨比丘舍利曰能比  
丘舍利曰所是賢者四諦平說見能舍利曰  
比丘爲奇人具說思惟能見能開能了能分  
別發能見今多少隨道法是舍利曰比丘最  
無有過從邪能還舍利曰比丘能令隨道目  
軋連比丘能令竟道舍利曰比丘如母生日  
軋連比丘如母供養當目軋連比丘如是覺

者舍利曰目闍連當可事當爲供當可往問  
舍利曰比丘目闍連比丘爲同學者致樂念  
今無有他佛已說如是從坐起入寺室頃思  
惟在時賢者舍利曰比丘爲利故今佛在世  
間故今爲說是四諦何等爲四一爲苦二爲  
習三爲盡四爲道四諦受行今滅苦何等爲  
賢者苦諦從生苦從老苦爲病苦爲死苦不  
哀相逢苦離哀苦所求不得是亦苦倉卒五  
種苦生賢者苦生爲何等若是人彼彼人種  
從生增生以隨以有欲成五陰已生命根已  
得是名爲生生賢者苦何因緣生苦爲生者  
人令身有故更苦從更復更從痛復痛今意

更苦從更復更從受復受今身意更苦從更  
復更知受復受今身待受惱從更復更覺受  
復受意念熱惱從更復更知受復受今身意  
熱惱從更復更從受復受身熱疲熱惱從更  
復更從受復受意念熱惱疲今熱憂從更復更  
從受復受今身意惱熱疲從念熱惱從更復  
更從受復受生賢者苦上說苦是故說從是  
有老賢者苦老爲何等所各各疲疲人其爲  
是老皤白力動以老僂拄杖鬚髮隨黑子生髮  
髮根已熟身欲壞色已轉老已壽是名爲老老  
賢者苦何因緣說老苦以人老身更苦從更  
復更行受復受意念更苦從更復更作受復

作受身意亦苦從更復更行受復受身熱惱  
從更復更從受復受意念熱惱從更復更從  
受復受身意熱惱從更復更從受復受身熱  
疲憂惱從更相更從受相受意念熱惱疲惱  
憂從更相更從受相受身意念熱疲憂惱從  
更相更從受復受是故賢者說老苦上說苦  
爲是故說病賢者苦病爲何等有頭病有腹  
病有耳病有鼻病有口病有脣病有舌病有  
咽喉病有噦病有變病有下病有熱病有淋  
瀝病有癩病有咽啣病有尋尋病有骨節病  
有疲病有肪病有血熱病有痰病是亦餘若  
干皆從猗生不得離是皆在著身病賢者苦

何因緣病苦人受故今身更苦從更復更從  
受復受意念念苦從更復更從受復受并身意  
念更苦從更復更從受復受身熱惱從更復  
更從受復受令意熱惱從更復更從受復受  
身意念熱惱從更復更從受復受身熱疲憂  
惱從更復更從受復受意熱疲憂惱從更復  
更從受復受身意念熱疲憂惱從更復更從  
受復受所說病賢者苦是故說亦從是因緣  
有死賢者苦死爲何等所爲人有所爲人有  
在生死處處爲捨身廢壞滅不復見命已盡  
五陰已捨命根已滅死時是名爲死賢者苦  
何因緣死苦死者人爲身更苦從更復更從



受復受意念更苦從更復更從受復受身意  
念更苦從更復更從受復受今身熱惱從更  
復更從受復受今意念熱惱從更復更從受  
復受今身意熱惱從更復更從受復受身熱  
疲悔惱從更復更從受復受今身意念熱疲  
悔惱從更復更從受復受死賢者苦爲是因  
緣說亦從是因緣有說不相哀相逢會賢者  
苦不相哀相逢會爲何等有賢者人六自入  
不哀不可是從是相逢會有是一壞相離本  
相聚會共事相離是爲苦如是外亦亦識亦  
亦思亦亦痛亦亦思想亦亦念爲亦亦愛亦  
亦六行亦亦賢者人爲六種持不哀何等

六種若地種若水種火種風種空種識種是  
一會相有合聚共會共事是爲苦不相哀會  
賢者苦何因緣不相哀會賢者苦不相哀共  
事會賢者人今身更苦從更復更從受復受  
今意更苦從更復更從受復受今身意念更  
苦從更復更從受復受今身意念熱從更復  
更從受復受今身熱疲苦惱從更復更從受  
復受今意熱疲苦惱從更復更從受復受今  
身意念熱疲苦惱從更復更從受復受不相  
哀相逢會賢者苦是故所說亦從是故從是  
說哀相別離賢者爲苦哀別離爲何等有是  
賢者人爲所自所入哀今從是相別離亡相

別相離不相俱不會不共居不相逢不更是  
爲苦如是自外亦尔識亦尔更受亦尔痛亦  
尔念爲亦尔愛亦尔六持亦尔有賢者人爲  
哀六持地持水持火持風持空持識持令從  
是相別離相別相離不會遠離不共居不  
相會不共更是爲苦是離哀賢者苦爲是故  
說亦從是因緣說若求不得是亦苦是故復  
說世間法賢者爲人若意生裁爲莫生是亦  
可舍老法賢者爲人如是欲生爲裁莫老是  
意不舍病法賢者人病已受爲是欲生今我  
莫有苦是欲舍死法者賢者人已應受死有  
是欲生今我莫死得不從是舍有賢者人已

生痛不可不貪意不用爲是欲生令是所生  
痛不可貪意不用令是爲可令是爲欲令是  
爲意不得從欲斷有賢者人爲求思想亦  
念不可不用意不可有是意生令是意生者  
思想求不用不可意不可爲欲是意用可可  
意爲令我是意當用當可不得從是得斷有  
是賢者人有更用可可意設有是意生所是  
更已生用可可意令是常不離是欲不當斷  
設有賢者人生是思想念愛可意欲得爲是  
欲生令是思想念生欲可意欲得令是常堅  
勿相離念是願莫斷所求不得是亦苦是故  
說亦從是因緣故說本爲五陰苦是故復說

令從是法是法非常厄病爲壞病敗老不堅  
可信欲轉離爲是故本五陰苦過世賢者同  
是苦諦未來世賢者亦是苦諦見在世賢者  
亦是苦諦是無有異不倒不惑如有諦如是  
如應賢者諦賢者諦賢者是諦知見解得應  
如是諦覺是故名爲賢者諦何等爲賢者苦  
習賢者諦或人賢者六自入身相愛彼所愛  
著近往是爲習如自身外身亦尔識更知行  
哀有賢者人爲六持愛一爲地二爲水三爲  
火四爲風五爲空六爲識彼所愛著相近往  
發是爲習如是何應若人在兒子亦妻從使  
御者田地舍宅坐肆卧具便息爲愛著近更

發往求當知是愛習爲苦習賢者諦過世賢者時亦是愛習爲苦習賢者習未來世時亦是愛習爲苦習賢者習今見世時亦是愛習爲苦習賢者習如是不異如有不倒不惑真諦正如有賢者諦爲賢者諦更見解得相應如有覺是故苦習名爲賢者諦何等爲賢者苦盡賢者諦有賢者爲人六自身中種入爲不受得從是解不共更已斷已捨相離已盡不復望已滅寂然是共滅如是內身外亦亦識相近更思想念行望愛亦亦亦賢者人六持不愛一地二水三火四風五空六識從是得解不共更已斷已捨已棄已異不用寂然是

爲苦盡是亦爲何等若人無有愛者在兒在  
家在使在御田地舍宅居肆卧具賣買利息  
無有愛者不相近意生發求無有是當知是  
愛盡爲苦盡賢者諦過世賢者時是亦愛盡  
爲苦盡賢者諦未來世亦尔今見在世時亦  
是愛盡爲苦盡賢者諦如是不異如何不惑  
不倒真諦是如有是故苦已盡名爲賢者諦  
何等爲賢者苦盡受行賢者諦有是賢者八  
種道一直見二直治三直語四直行五直業  
六直方便七直念八直定

何等爲賢者直見若賢者道德弟子爲苦念  
苦爲習念習爲盡念盡爲道念道得分別觀

能得法觀能受想能觀想能可想能受行是  
名爲直見亦觀持宿亦念道德亦行見行悔  
受止無爲念寂然止從不著而得脫意分別  
觀行相行意在法觀相不離相貪受是名爲  
正直見是名爲道德諦

何等爲賢者正直治若賢者道德弟子苦爲  
苦念習爲習念盡爲盡念道爲道念若行隨  
投念復念是名爲直治亦觀宿命持亦所學  
行相念從行觀悔無爲寂然受止從無所著  
得脫意觀止所求所投念行隨行是名爲直  
治是名爲道德諦

何等爲賢者正直語同賢者道德弟子爲從



苦念苦爲從習念習爲從盡念盡爲從道念  
道止四口犯有餘口惡行從是得止離止相  
離攝守不可作不作從受罪無有罪已止是  
爲直語亦復爲持宿觀已入行行念道從行  
悔意止無爲度世寂然可意止無所著如得  
解脫意分別觀除四口惡行離止相離攝守  
不可作不作從受罪無有罪已止是名爲直  
語是名爲道德諦

何等爲賢者正直行令爲賢者道德弟子從  
苦爲念苦從習爲念習從盡爲念盡從道爲  
念道除身三惡行亦除身惡行從是止離攝  
守不可作不作從受罪無有罪已止是名爲

直行亦持觀宿命亦從道德行念世間行見  
悔止無爲度世見寂然止從無爲度世不著  
而得脫意得觀除身三惡行亦除身惡行離  
止相離攝守不可作從受罪無有罪已止是  
名爲正直行是名爲道德諦何等爲賢者正  
直業若賢者道德弟子苦從苦念苦習從習  
念習盡從盡念盡道從道行得念所不應求  
所不可行若干畜生業從邪行欲自活是名  
爲邪業亦持宿命行觀從行得道念世間行  
觀悔止度世無爲觀寂然止得度世不著如  
得脫意從得觀不應求不求若干畜生業行  
自活命離止相離攝守不可作從受罪無有

罪已止是名爲正直業是名爲道德諦

何等爲賢者正直方便賢者道德弟子苦爲  
念苦習爲念習盡爲念盡道爲念道所精進  
所方便所出所住止所能所敷所喜不皴不  
滅念正止是名爲正直方便亦有持宿命觀  
亦從得行念從世間行見悔止見度世無爲  
寂然止從不著已得道觀解脫意所精進所  
方便所出住止所敷所喜不皴滅念正攝止  
是名爲正直方便是名爲道德諦

何等爲賢者直正念若賢者道德弟子苦爲  
念苦習爲念習盡爲念盡道爲念道相念從  
念念念不忘少言念不離是名爲直正念亦

觀持宿命亦從得道行念世間行不可悔攝  
止度世無為寂然止見一德無所著如解脫  
意觀念想念念念不忘少言念不離是  
名為直正念是名為道德諦

何等為賢者直正定若賢者道德弟子苦為  
念苦習為念習盡為念盡道為念道意止故

不動不走已攝止故意念在一是名為直正  
定亦觀持宿命亦從得解意念見世間行悔  
攝止度世無為見可如得無所著從解脫因  
緣意向觀所意止正安一不惑不走攝止念  
定在二念是名為正直定是名為道德諦過  
世賢者亦是苦盡受賢者諦後世未來時亦

從是受行賢者諦今見世時亦從是受行滅  
苦賢者諦如是不異如有不失不惑真諦如  
本如有德道德諦賢者是諦更見得應解解  
是故爲苦盡從是行名爲道德諦從後般說  
苦習盡亦見道佛所說行無有量  
舍利曰說如是比丘受行

佛說四諦經

佛說恒水經

西晉沙門釋法炬譯

聞如是一時佛與大比丘僧諸弟子菩薩俱

行到恒水諸天人民鬼神龍人非人及初發  
道意者無央數各持華香伎樂皆追從佛已  
到恒水施座而坐衆會皆定月十五日說戒  
時阿難從座起整衣服前作禮以頭腦著佛  
足却長跪叉手白佛言諸弟子坐安定願佛  
可說戒經佛默然不應阿難還就坐其久到  
夜半阿難復起前長跪叉手白佛言夜已半  
諸弟子坐皆安定願聞佛說戒經佛復默然  
不應阿難復還就坐大久雞向欲鳴阿難復  
起前長跪叉手白佛言雞欲鳴諸弟子願欲  
聞說佛戒經佛告阿難言人生死展轉五道  
以往來在世間甚大勤苦不自識知前世宿

命本末者皆坐心意不端故人身甚難得已  
得人身佛經戒復難得值聞已得聞佛經戒  
信入佛道復難已入佛道守持經戒復難佛  
欲說戒經今坐中有一弟子不能持佛戒經  
用是故佛不說戒經阿難白佛言我不知何  
所弟子不持佛戒經摩訶目捷連三昧徹視  
見不持戒弟子即起往至其前謂之言卿爲  
佛作弟子不能持戒法是爲捐棄之人不應  
與尊者共同座席當起出不得復入衆中佛  
告摩訶目捷連汝好曉令出不持戒弟子即  
自慙愧出去佛告諸弟子善聽今說法諸弟  
子皆叉手言唯然受教佛言大海水有朝夕



來往時不過故際還去亦不過故際諸弟子  
皆當端心正汝意還自視中表五歲思惟生  
死甚勤苦當奉持戒經不當缺犯持五戒者  
還生世間作人持十善者得生天持二百五  
十戒者現世可得阿羅漢辟支佛菩薩佛泥  
洹大道以道以受人身當奉持經戒死死不  
當缺犯大如毛髮譬如海水朝夕來往時不  
敢過故際海中有七寶何謂七寶一者白銀  
二者黃金三者珊瑚四者白珠五者瑠璃六  
者明月珠七者摩尼珠是爲海中七寶今佛  
道中亦有七寶佛言道寶是也一者須陀洹  
二者斯陀含三者阿那含四者阿羅漢五者

辟支佛六者發意念度一切菩薩七者佛泥  
洹大道是爲七寶欲得道寶者皆當棄捐姪  
洸瞋恚愚癡持戒精進累積功德中外清淨  
自守無常高士如是海水不受惡露若有死  
人汙穢臭處不清潔者疾風吹著岸上今佛  
道中不受汙穢不持經戒惡人諸有犯經戒  
者乃牽臂出之譬如四輩鼠一者屋間鼠二者  
家中鼠三者野田鼠四者園囿中鼠屋間鼠  
不能居平地平地鼠不能居屋間野田中鼠  
不能居人家人家鼠不能居野田園囿中鼠  
不能出園囿中也不知倉中饒穀故也人復  
有四輩何謂四輩一輩人端心正意持戒不

犯欲得阿羅漢道二輩人者持戒精進欲得  
辟支佛道三輩人持戒學問明經智慧念度  
一切欲得佛道四輩人託名爲弟子不能奉  
持明戒不欲學問心意猶豫恐不得道故是  
爲前却弟子如彼四輩鼠佛言諸弟子天下  
有五江東流一江字沙祿南流一江字阿夷  
西流一江字恒北流一江字默徘徊中流名  
字爲江轉流入海皆棄本名字當爲海水佛  
言諸弟子有婆羅門種有刹利種有工師種  
有田家種有乞人有若干輩各自道說言我  
種豪貴如貴富樂貧賤當如五江水入海若干  
輩爲佛作弟子皆當棄本名字乃爲是佛弟

子耳安得復有貴賤自貢高先知當教後知  
不得言我知道自憍貴不得言學久知經多  
不得言我所作意應道彼所作非作是者皆  
爲犯戒不得入衆中也道法長幼相教護當  
相承用有未解經道者不得向說深事此爲  
大過天下大雨水流入水溝水溝流入溪  
澗溪澗流入江江流入海中海水不增不減  
諸弟子學得須陀洹者有得斯陀含者阿那  
含者有得阿羅漢者有得辟支佛者有得阿  
惟越致者有得佛泥洹道者來者去者佛道  
亦不增亦不減如海水不增不減也佛言海  
中有大魚一者長四千里二者長八千里三

者長萬二千里四者長萬六千里五者長二  
万里六者長二万四千里七者長二万八千  
里學問不值明師安知天下有大道乎乘船  
遊於滄池泉流安知天下有江海佛經如江  
海一切世間經書皆因佛經而出經難得再  
見聞當取諷誦讀却後數千万億歲乃復有  
佛經戒耳日月星宿當有壞敗時奉行佛經  
戒無有壞滅時自今以後佛不復說經戒佛  
經戒甚重中有受持戒已違戒犯惡者頭破  
作七分故也佛說經訖諸弟子皆一心重持  
戒法諸天人民鬼神龍皆起前以頭面著地  
爲佛作禮而去

佛說恒水經



佛說本相倚致經

後漢沙門安世高譯

聞如是一時佛在舍衛國祇樹給孤獨園佛  
便告比丘本有愛不見不了今見有從有愛  
設是本有愛無有今為有今見分明從是本  
因緣令致有愛有愛比丘從致有本不為無  
有本何等為比丘從有愛致本謂為癡癡本  
比丘從致有本不為無有本何等為比丘癡  
有本從致謂為五蓋五蓋比丘亦從有本致

不爲無有本何等爲比丘五蓋從有致謂爲  
三惡行三惡行比丘亦有本從致不爲無有  
本何等爲比丘三惡行本從致謂爲不攝根  
不攝根比丘亦有本從致不爲無有本何等  
爲比丘不攝根從致謂非本念故非本念比  
丘亦有本從致不爲無有本何等爲比丘非  
本念從致謂不信故不信故比丘亦有本從  
致不爲無有本何等爲比丘不信本從致謂  
惡非法聞故非法聞比丘亦有本從致不爲  
無有本何等爲比丘非法聞本從致謂非賢  
者人事非賢者亦有本從致不爲無有本何  
等爲比丘非賢者從致謂非賢者人共會樂



如是比丘以不賢者聚會滿令不賢者事滿以不賢者事滿令非法滿以非法滿令不信滿以不信滿令非本念滿以非本念滿令不攝根滿以不攝根滿令三惡行犯法滿以三惡行犯法滿令五蓋滿以五蓋滿令癡滿以癡滿令有世間愛滿如是愛樂滿稍轉稍轉猗增有度世智慧解脫亦有本不為無有本何等為度世智慧解脫本謂七覺意為本七覺意從有本不為無有本何等為七覺意從有本謂為四意止四意止從有本不為無有本何等為比丘四意止從有本謂三清淨行三清淨比丘亦有本從行不為無有本何等

爲比丘三清淨有本謂爲守攝根守攝根亦  
有本不爲無有本何等爲比丘守攝根有本  
謂爲本念故本念比丘亦有本不爲無有本  
何等爲比丘本念本謂爲信本信本比丘亦  
有本不爲無有本何等爲比丘信本有本謂  
聞法經本聞法經亦有本不爲無有本何等  
爲聞法經本謂事賢者本事賢者亦有本不  
爲無有本何等爲事賢者有本謂賢者聚本  
如是比丘聚賢者能得事賢者以事賢者便  
聞法言以聞法言便致信本以致信本便得  
念本以得念本便攝守根以攝守根便得三  
清淨以有三清淨便得四意止以得四意止

本偈有七覺意以有七覺意便有無為解脫  
得度世如是解脫度世轉轉有本今得度世  
佛說如是弟子奉行

佛說本相倚致經二

止

四諦經

須思

上領反

倉卒

下沒反

跛

側反

僂

力反

咽

二

音煙

噉

委劣反

淋瀝

上音下音

癩

音顛

咽

二

字正

上音下音

痰

病

上音

栽

音哉

敷

芳反

無

皮

足

張

也

恒水經

棄捐

下音

姪

下音

或作

反青

囷

上

正作

圍下

困

古侯反

澮

上音

水不流

澮

古侯反

澮

上音

水不流

本相倚致經

不出字



